

通

制

條

格

通制條格卷第二十八

雜令

煉金 至元二十年六月中書省御史臺呈陝西漢中道按察司申安西路馮直等將銀箔煉作假金栽線織造販賣一槩禁斷機戶生受刑部照得欽奉聖旨禁斷金段疋等物據馮直等將銀箔用煙燻作假金終是織金段疋切恐真假錯亂犯法者衆擬合禁斷都省准擬

佛像西天字段子 大德九年八月初二日宣

政院奏街下織段子的匠人每織着佛像并西
天字段子貨賣有那般織着佛像并西天字的
段子賣與人穿着行呵不宜的一般有奏呵奉
聖旨怎生那般織着賣有說與省官人每今後
休教織造佛像西天字樣的段子貨賣者欽此
分問怯薛 大德七年二月二十四日中書省
奏因怯薛裏怯薛歹人數明白有近年以來內
外城子裏的百姓內回回畏兀兒漢兒蠻子人
等投充昔寶赤阿察赤怯恰口各枝兒裏并諸

王駙馬公主妃子位下投入去了的多有做了
怯薛歹也麼道支請錢糧馬疋草料此上多費
耗了係官錢糧有更似這般壹貳年不教支持
在先曾有聖旨來到大都呵木八剌沙平章根
底不商量了休教入去者到大都呵省官每根
底不商量了休交入去者有聖旨來那言語不
曾行可憐見上位有嚴切聖旨呵省院臺裏各
枝兒裏摘委着不覩面皮的人好生分間呵多
省減錢糧也者商量來奏呵奉聖旨恁說的是

那般行者街市漢兒人每也投入去行麼道說
有委好人麻切分問若欵此

野火 大德六年八月中書省刑部呈河間路
申備同知李奉訓閔切詳守牧之官所貢至重
豈得專一廵禁野火若令場官與各縣提點正
官一同用心廵禁閑防如有火起去處各官一
體當罪似望盡心本部約會戶部官一同定擬
得所辦鹽課乃國之大利煎辦之原竈草爲先
所以蒙朝廷累降聖旨委自管民正官專一閑

防禁治無令野火燒燠其管民官運司遞互相
推於事未便擬合欽依已降聖旨委自管民正
官專一閏防禁治每年八月盡閏於煎鹽竈草
周圍依例寬治火道及冬運司提調場官人等
時復巡歷草場如有野火生發隨即舉申理問
自九月爲始場官催督竈戶併力打刈合用煎
鹽竈草比至年終須要搬運到竈如法積垛亦
於周圍寬治火場以備春煎如違期不辦不將
竈草搬運到竈或已到竈并火道已裏獵火燒

燃場官竈戶陪償當罪火道之外巡禁不嚴及
不依期治打火道到有野火生發延胤竈草管
民官當罪所據哈刺赤責赤探馬赤解人每失
火一節既明里欽奉聖旨專一巡禁如此等之
人違犯無問火道內外明里當罪都省議得火
道已裏如竈戶與諸色人等相叅住坐似難專
責場官若有胤燒竈草檢究明白除依上陪償
當罪外竈戶罪在場官其餘諸色人等責在管
民官負餘准部擬

擾民 至元十六年六月四川立行省聖旨條
畫內一款所在鎮守蒙古漢軍各立營所無故
不得輒入人家求索酒食及縱恣頭疋食踐田
禾桑果遺者罪及主將

至元十九年十月欽奉聖旨條畫內一款鎮
守軍人并頭目及到任官員上司差去使臣多
於人家安下中間欺凌逼擾甚爲民害今後軍
人并頭目須要各立營司屯住到任官員須要
係官房舍內居止無官房者以已錢就賃使臣

須要於館驛內停歇皆不得恃勢強將新附官
員士庶第宅奪占違者仰行省行臺起遣究治
至元二十四年九月十四日尚書省奏過昔
寶赤每別箇行的每但外頭出去呵百姓每根
底草料黍飯鷹食要有俺商量得從今已後無
俺文書呵不揀誰根底不教與呵怎生奏呵是
也休與者麼道聖旨了也欽此

至元二十九年二月二十六日御史臺奏昔
寶赤每貴赤每合刺赤每探馬赤每放官頭口

底每阿迷每放駱駝底每八兒赤每河西禿魯
花每往來行的人每上位底聖旨無底省家丈
字無底百姓根底使氣力茶飯草料要有教百
姓每眼生受有奉呵如今依着在前聖旨體例
裏有風雨脫了呵無奈何生受往來底人每根
底經過底百姓每他每根底與了宿處有底茶
飯與者這般道了也麼道因而教百姓每生受
行的人每根底休與者這般依本分與了呵使
氣力教百姓每生受底人每漢兒人休聚衆打

者近呵那般人根底拿將來者遠呵他名字寫
將來者這昔竇赤每貴赤每哈剌赤每探馬赤
每放官頭口底每阿速每放駱駝底每八兒赤
每克魯花每根底休與者這般人每根底監察
肅政廉訪司官人每體察者欽此

至元三十年十一月二十九日中書省奏過
事內一件在先御史臺官人每奏了昔竇赤每
等休交檢搜百姓者百姓每根底不棟甚麼休
奪要者這般行了聖旨來在後年時良鄉昔竇

赤每因索鷹食呵厮競來如今聽得又那般不
與有今年因禾也收來飛放的時節又似那般
爭競去也遇着晚呵教與宿腥處教與粥飯俺
這般行文書呵怎生商量來奏呵奉聖旨如今
聽得索不得茶飯有再商量者這般聖旨有呵
只兒哈郎木八剌沙等奏如今也那般不與俺
有這般說將來奏呵既那般呵行文書者聖旨
了也欽此議得今後怯薛歹每昔寶赤每等勾
當裏去晚了呵宿腥粥飯馬草料他每根底據

有的與者值着風雨信體例鷹食呵索與者依本分與了分外無體例使氣力呵休聚眾休廝打那人每的名字記了合屬官司陳告申覆上司究治都省除外仰遵行依上施行

大德七年五月二十八日中書省奏屬八不沙大王的一枝兒按赤每般陽等處住着營盤却每年自九月爲始至四月於益都爲頭州城東沿着村坊行營更圍獵時令無上司文憑於百姓處取糧食草料雞猪鳶鴟等物好生搔擾

百姓的上頭姓宮的縣官題說與文書呵俺差
人體問去來這按赤每參伯采拾捌戶占着一
萬一千陸伯餘頃營盤地土却自九月爲始至
四月沿着村坊行營更大廚房內止納貳佰隻
野物爲名圍獵於百姓處取要諸物檢授百姓
有麼道與文書來答刺罕丞相大都省官人每
他每行營并圍獵的合住罷了麼道奏將來有
俺與完澤太傅右丞相一處商量來今後休教
將引老小沿着村坊檢授百姓更圍獵時分不

得於百姓處取要糧食草料諸物者商量來奏
呵奉聖旨那般者欽此

大德七年十一月十八日欽奉聖旨節該中
書省官人每奏這幾年田禾不收百姓每生受
的其間各枝兒飛放圍獵的住冬的往來行的
喂養馬疋的人等將引老小村坊裏安下取要
飲食草料教百姓每生受有不教各枝兒撿獲
百姓禁治的聖旨麼道奏來今後打捕的昔寶
赤八兒赤貴赤哈剌赤拔都每阿魯渾阿速每

放官頭疋的蒙古人匠探馬赤站赤慙哈納思
諸王的伴當每往來行的各枝兒裏不以是何
人除奉省部文字外村坊裏倚氣力休安下者
無體例休取要飲食草料者休教換壞桑菓米
木等樹者又禁地裏有打捕野物的人每呵依
在先聖旨體例不經由管民官禁圍場的擅自
休斷者道來這般宣諭了於百姓每房舍內倚
氣力安下無體例取要飲食草料換壞樹木行
呵管城子的達魯花赤官人每將要了采的飲

通志卷之二十一
食單料換壞了的樹木教陪償了依着合得的
罪過斷了將他每名字寫將來者禁地裏打捕
野物的人每有呵禁圍場的每不經由管民官
斷沒呵有罪過者若管民官知道搔擾百姓的
不問呵有罪過者廉訪司官人每體察者

至大二年二月二十一日欽奉詔書條畫一
欵圍獵飛放喂養馬駝及各色過往屯駐軍馬
出使人員自有合得小例又復欺凌官庖擾害
百姓多取飲食錢物縱放頭疋踏踐田禾啣咬

樹木事非一端民受其害前詔累嘗戒飭今聞
仍襲前弊固有悛心仰有司再行禁治其不爲
申理者一體斬罪監察御史廉訪司依期分詣
各處嚴加體察

至大四年二月二十二日李平章回回奏議
啓各處進呈鷹鶴虎豹犬馬希罕等物鋪馬來
的多有消乏了站赤沿路取要祇應草料人夫
限搔擾百姓有啓呵今後我的言語不揀是誰
休教來者便將來呵得甚濟您各處行將文書

去者麼道令旨了也敬此

延祐元年五月十七日奏過事內一件爲免
吉判歹梁列捏等大王每的根脚也里不花失
列吉王魯等無省部許准文字收拾差發軍需
氣力經行汴梁等處於百姓處取要飲食馬疋
草料擾民有麼道河南省官人每俺根底與將
文書來有無上司明降又無省部文字似這般
收拾本投下差發等檢擾百姓的無體例有各
處行將文書去似這般行的每交禁約不教行

呵怎生麼道奏呵各處行將文書去交禁約者
麼道聖旨了也欽此

圍獵 中統三年十月欽奉聖旨道與中書省
忽魯不花爲頭官負聖旨到日照依舊來體例
中都四面各伍伯里地內除打捕人戶依年例
合納皮貨的野物打捕外禁約不以是何人等
不得飛放打捕難免這地面裏頭若有養鷹鷂
飛放的人每飛放的心有呵咱每根底問了教
靠着咱每飛放也者這般省諭了呵咱的言語

別了的不有罪過那甚麼

至元二十六年十二月二十八日尚書省奏
伯顏阿丁與文書檀州等處山後的禁地面裏
劉得成等人每爲殺了野物的上頭拿着問呵
招了也麼道有俺尋思得他每待依着聖旨體
例裏斷沒說了俺那人每根底問呵他每說今
年爲不會收田禾的上頭闕食譬如餓死麼道
將禁的野物殺喫來道來待斷沒呵他每約有
或拾箇牛有來將那牛待斷沒了可後頭怎生

姪可惜了性命無濟有野物呵也盡了去也慙
哈納思等與漢兒人每遞相躡察者九月十月
十一月這三箇月圍場者除這三箇月外休圍
場者河西每根底阿陳每根底斟酌標撥與了
圍場地而其餘的休禁者聖旨了也欽此

至大四年三月欽奉詔書內一款百姓於禁
地內打捕野物者仰管圍場官與各處有司一
同斷罪毋得似前斷沒家產欽此

皇慶元年五月初七日御史臺奏脫忽思海

迷失大王晉寧路地面裏去年農種時月圍獵
來合止當麼道本道廉訪司官人每說將來今
後農種時月裏休圍獵者麼道脫忽思海迷失
根底說將去呵怎生奏呵那般者說將去者今
後圍獵呵十月初頭圍獵者麼道聖旨了也欽
此

皇慶元年十二月十四日中書省奏八兒赤
養豹子的養皂鷹的兀里養罕等依着世祖皇
帝時分行來的例將着家小圍場者麼道聖旨

懿旨有未文書來照呵世祖皇帝時分曾無將引家小圍場的不見有將看家小曾圍場未麼道他每言語裏這般說有奏呵口說的言語怎生行圍場呵索甚安家小搜民有休教將引家小行者麼道聖旨了也欽此

船路阻害 至大四年七月中書省禮部呈高榮孫陳言江河堤閘攬載人等故用損船繩攬名爲盤淺阻截民船及河岸設立部頭把隘軍人假名辨驗刁蹬客旅取要錢物刑部議得盤

淺船隻游手潑皮及河岸部頭把隘軍人作弊
刁蹬客旅取受錢物擾民不便等事令令所在
官司出榜嚴加禁治仍令都水分監并瀕河巡
防捕盜官不妨巡捕常加體察禁約敢有違犯
之人捉拿到官痛行追斷除把隘軍人發還本
翼交換餘皆就發元籍收管都省准擬

祈賽等事 至元十一年二月初四日中書省
奏祈神賽社扶鸞禱聖夜聚曉散并自傷肢體
掛鉤子打脊硬抄化的人每也合禁約奉聖旨

准奏

至元十六年八月中書省御史臺呈燕南河北道按察司中會驗欽奉聖旨漢兒田地裏祈仙禱聖賽神賽社都交罷了者欽此体知得民間多有祈賽神社置到神案旗牌鑼鼓傘蓋交椅儀從等物若不拘收切恐因而別生事端刑部議得祈神賽社擬合欽依已降聖旨禁約旗牌鑼鼓等物今有司拘收入官都省准擬

至元二十二年五月中書省御史臺呈開元

路等處女直之俗患病宰殺牛羊禱祝資者至
賈男女以買牛羊木臺於至元二十一年十一
月十七日啓奉今旨禁斷者敬此

大德五年七月中書省准蒙古文字譯該答
失蠻阿忽台言語皇帝聖旨裏師婆每自意的
行神祭賽多了自如今畏兀兒和尚每根底呢
師每根底陰陽人每根底師婆每根底先生每
根底若有大祭賽呵不問了休教祭賽者這般
宣諭了呵若不問了自意的行大祭賽呵有罪

過者欽此

大德五年二月御史臺准江南行臺咨監察
御史呈禁約禮迎木偶諸神飲取錢物等事憲
臺相度祈賽神社已有禁例外戲禱龍船擗昇
木偶飲錢擾民事理合行禁約

屠禁 至元十七年十二月二十一日中書省
奏今年正月五月裏各禁斷拾筮日頭宰殺來
新年裏休着那般體例禁斷宰殺呵怎生奏呵
那般者麼道聖旨了也欽此

至大四十年十一月十九日納牙失里班的答
八哈泰西天田地裏在先傳流將來的道理說
呵三月初八日佛降生的日頭當月十五日佛
入涅槃的日頭這日頭真箇顯驗旦的判納兒
經文裏有西天田地裏這日頭裏不教宰殺做
好事有來三月初三日皇帝聖節有一就自三
月初一日爲始至十五日大都爲頭各城子裏
禁斷宰殺半月羊畜等肉休教入街市賣者也
休交買者不揀幾時做常川斷屠呵皇帝洪福

根底的重大福有麼道奏呵阿里哈牙參議先
曾花帖木兒參議兩箇奉聖旨那般者是大好
事勾當有這裏都省裏行與各行省各城子裏
文書者每年三月來常川禁屠宰半月者新
屠的日頭其間羊畜等肉休教入街市賣者麼
道聖旨了也欽此

閏雜 至元十二年六月中書省御史臺呈濟
寧府鼎牙兒等狀告本處田禾不收別路糴到
物料各處官司當關不令出界戶部議擬取當

該官吏不合當開招伏約量斷罪外合令各路
禁約都省准擬

違例取息 至元三年二月欽奉聖旨債負止
還一木一利雖有倒換文契並不准使并不得
將欠債人等強行扯拽頭疋准折財產如違治
罪

至元十九年四月中書省奏隨路權豪勢要
之家舉放錢債逐急用度添卷利息每兩至於
伍分或壹倍之上若無錢歸還呵除已納利錢

外再行倒換文契累算利錢准折人口頭正事
產實是於民不使今後若取借錢債每兩出利
不過叁分這般奏呵奉聖旨那般者欵此都省
議得若有似此違犯之人許諸人陳告取問是
實即將多取利息追還借錢之人本利沒官更
將犯人嚴行斷罪

至元二十年十一月二十日中書省奏哈剌
章富強官豪勢要人每根底放利錢呵限滿時
將媳婦孩兒女孩兒拖將去面皮上刺着印子

做奴婢有說有俺商量來無體例在先賽典赤
也行了來如今只依那體例與將文書去教罷
了休教拖者休教做奴婢者商量來奏呵奉聖
旨那般者欽此

至元二十九年十月中書省御史臺呈比年
以來水旱相仍五穀薄收關食之家必於豪富
舉借餼糧自春至秋每石利息重至壹石輕至
伍斗有當年不能歸還將息通行作本續例文
契次年無還亦如之有壹石還數倍不得已者

致使無告貧民准折田宅典產兒女良為可惜
戶部議得舉借斛粟合依鄉原例聽從民便年
月雖多不過一本一利如有積倒文契欵依已
降條畫追斷都省准擬

大德二年三月樞密院照得先為和林等處
軍人取借諸人錢備有財主前去隨路奧魯家
屬剋取索准折財產搔擾軍戶已經劄付管軍
官負釐勒頭目及出榜禁約軍人并諸人不得
私下取借財主亦不得出放債負如有違犯取

放錢人一體究治本管頭目有失覈察者亦行
取招斷罪若有債主人等徑直私下取索錢債
毋得歸還遍行各處去訖今廣平等路狀申和
林當軍人鄭榮等狀告忽都魯楊宣差等前來
將榮等並收勒要和林當役軍人借訖錢債非
理檢搜樞府除已另行取問外若有似此前來
取索錢債之人聞坐姓名申院非奉樞府明文
無得歸還

聞遺

中統五年八月欽奉聖旨條畫內一款

諸處應有不闍奚人口頭疋等從各路府司收
拾仍將收到數目於應收置去處收置限拾日
已裏許令本主識認如拾日已外作不闍奚收
係每月申部如有隱匿者究治施行

至元九年八月中書省刑部呈據大都路管
不闍奚頭目張抄兒赤申不闍奚男子李阿散
年老殘疾委的不堪應役合無與在前不闍奚
一體出給文引撤放任便住坐都省准擬

至元十八年二月初五日中午書省奏俺先前

收拾下的不閑裏人每配成戶的今後若主人認着呵官司斟酌與價錢呵怎生奏呵那般者麼道聖旨了也欽此

元貞元年六月初九日中書省奏將不閑裏人每採打鷹鷄去的昔竇赤每根底做閑端赤與者麼道聖旨有呵伯帖木兒那的每收拾來的人每根底無上位的聖旨不與麼道不曾與來這的每裏頭依例也交與呵怎生奏呵那般者與者聖旨了也又伯帖木兒委付來的人每

主人認着不關奚人每呵也不與有莫不無体
例麼哈散等省官人每委付着人伯帖木兒委
付來的人每一處做證兒者委實主人認着呵
分付與呵怎生奏呵委實認着呵分付與他主
人者聖旨了也欽此

大德四年四月中書省宣徽院備閏遣監呈
今後各處拘收不關奚頭元選擇堪中支持開
寫箇歲毛色膳分起水草暢茂時月差有職役
食俸人負送納如委瘦弱不堪支持月申內明

白稱說責令牧養添膳刑部議得各路府州司
縣拘收到不閑奚頭疋依准宣徽院所擬差人
牧養管要肥壯如委瘦弱不堪支持月申內明
白稱說先將堪中數目依期具解開寫毛齒膳
分差有職役不作過犯之人稱時管押赴都交
納如點視得但有瘦弱即將差來人負究治都
省准擬

至大四年十月中書省四川行省咨成都路
所收不閑奚馬疋駙畜年深無主識認合行回

易作鈔起解都省准擬

皇慶元年五月中書省宣徽院備闕遣監呈
本監專管不闌奚人口頭疋循行事務多失其
宜若不更張深爲不便具到各項事理刑部議
擬都省准呈于后

一隨處路府州縣違魯花赤提調不闌奚人
口頭疋等物因仍苟且不肯用心以致
人口頭疋逃匿瘦弱倒死移易不能盡
實到官况各官多愛飛放鷹鷄將不闌

美馬疋非理駝驟至於例死匿不申聞
縱有解到瘦損不堪今後莫若改委各
處文湏長官提調凡有不聞美人口頭
疋責付里正主首收養立法聞防用心
點檢毋致逃易隱匿瘦弱例死按月申
報每歲於三月九月二次送納實爲便
益

前件議得除路府州縣違魯花赤提調不
聞美人口頭疋已有定例所擬騎坐飛放

移易隱占人口頭元擬合劄付御史臺行
下各道廉訪司嚴加体察禁約列官之數
合令宣徽院設法闒防毋致隱匿瘦弱死
損

一應到監不聞奚人口爲無官給衣糧分寄
諸人收養既非眷屬未免飢寒少壯得
用者尚不聊生老弱殘患者豈能自保
積年既久其弊滋深男被傭雇不勝劬
勞女被欺淫以至生育或貪其功力而

虛申病故或因於凍餒而致使逃士敗
化傷生源爲未便今後擬合定立期限
凡到監人口一年之後無主識認從本
監分撥匹配成戶發付有司收係當差
誠爲官民兩便

前件議得不聞美人口如未到監各處有
主識認者隨令有司發落如已到監即便
取問各人來歷根因住貫去處行移召主
識認如半年之後無主識認者合准本監

所言分撥匹配成戶發付有司收係當差
一各處解納到監不關奚頭尺雖有毛色不
見齒歲又不設法閏仿以致收養人等
換易作弊今後擬合令本監置造火印
三等一作官字一作主字一作支字凡
有納到頭尺本監官親臨監視鑿款驗
覲齒歲應分明立文案隨時用官字印
烙若有本主認見合給付者即用主字
印烙如蒙上司支撥用支字印烙庶革

更換之弊至如皮張亦見真偽

前件議得合准所言

一本監每歲十月於雁村聚集行移各愛馬
海認頭疋然後作數移文度支監放支
草料喂養其所養頭疋若主人認見即
便給付雇費官司草料今後合給主頭
疋概合本主照依時估回納喂過草料
價錢然後并給付庶不虧官

前件議得凡有收到不闌莫頭疋官給草

料者本主識認是實照依喂養過月日草料時估回納價鈔還官其收放者不拘此例

一本監隸屬宣徽院管轄在前支撥不關奚頭疋多有口傳聖旨徑直赴監支取本監不即申院畫便分付似涉專越擬合明白開奏今後凡支頭疋須奉宣徽院文字然後許支庶不差池

前件議得合准所言

延祐元年五月十七日中書省奏爲拘收不
關美人口頭疋等物宣徽院官人每爲委付來
的人每擾民的上頭元貞元年奏了各路裏達
魯花赤總管州裏達魯花赤知州縣裏達魯花
赤縣尹科一員提調拘收者麼道行了文字來
皇慶元年宣徽院官却奏了今後各處合委付
將去的不關美赤每教關道監官人每定擬與
俺文書呵依着俺准了的文書交關道監官出
劉付委付將去麼道奏了的上頭關道監官委

付人來濟寧路去的拘收不關美人每搔擾百姓有麼道刑部官人每備着路家文書俺根底與文書有依舊止教路府州縣管民官內提調收拾呵使當的一般有奏呵依舊例教管民官內提調拘收者麼道聖旨了也欽此

延祐二年三月二十六日宣徽院奏各處不關美人每拘收着不關美人口頭疋與人使用騎坐輛車有指拘收不關美人爲名那其間裏做賊說議有別箇各枝兒每關支不關美人口

頭疋人每闌了一箇不闌奚頭口的和不闌奚
赤每通同着騎兩三箇的也多有如今俺和省
官人每一處商量來工部官人每根底說了比
着不闌奚人口不闌奚駱駝馬牛驢騾羊口等
身子的樣子交鑄着印子分付與闌遺監不揀
那箇收拾不闌奚的不闌奚赤每并別箇各枝
兒使換不闌奚人口的騎坐不闌奚頭疋輛車
子的人每有呵教闌遺監押勘合文字闌寫頭
疋的毛色記印記印上頭疋的身上印兒支與

若收拾不閑美的人每并別箇各枝兒使換不
閑美人口的騎坐不閑美頭及輛車子的人每
若無閑遺監這般印子的文字騎坐輛車子呵
依做賊的例要了罪過斷沒呵怎生麼道奏呵
那般者商量的是有工部官人每根底說了教
比着那般身子的樣子鑄與印子那般提調者
麼道聖旨了也欽此

地內宿藏 至元十三年閏三月中書戶部呈
王拜驢等於賀二地內掘得埋藏之物擬令得

物之人與地主停分今後若有於官地內掘得埋藏之物於所得物內壹半沒官壹半付得物之人於他人地內得者依上與地主停分若租佃官私田宅者例同業主如得古器珍寶奇異之物隨即申官進獻約量給價如有詐偽隱匿其物全追沒官更行斷罪都省准擬

至元二十九年三月中書省刑部呈山東宣慰司解納到萊蕪縣潘醜驢等打墻掘出銀子內壹半沒官銀伍斤柒兩本部叅詳即係本人

自己地內宿藏之物擬合回付元主都省准擬
元貞元年閏四月中書省刑部呈大都路楊
馬兒告於梁大地內與楊黑厮跑土作耍馬兒
跑出青磁罐壹箇於內不知何物令楊黑厮坐
着罐上蓋磚看守馬兒喚到母阿張將罐跑出
覷得有銀四定銀盞壹箇私下不敢隱藏本部
議得楊馬兒於梁大地內跑出課銀肆定銀盞
兒壹箇擬合依例與地主梁大中分却緣楊黑
厮曾經看守量與本人銀叁拾兩餘數楊馬兒

與地主兩停分張都省准擬

判驅面 至元元年七月中書省御史臺呈富
勢之家奴隸有犯私置鐵枷釘項禁錮又有擅
自刺面者誠非所宜擬合通行禁止都省准擬
蒙古人毆漢人 至元二十年二月十二日中
書省兵部奉中書省劄付該近爲怯薛歹蒙古
人負各處百姓不肯應付喫的不與安下房子
等事仰叮嚀省諭府州司縣村坊道店人民今
後遇有怯薛歹蒙古人負經過去處依理應付

粥飯宿頓安下房舍無致相爭如蒙古人毆打漢兒人不得還報指立證見於所在官司陳訴如有違犯之人嚴行斷罪

妖書妖言 延祐元年五月中書省御史臺呈
汴陽府陳興祖告傳萬一妻阿李倩人抄寫天
降經文該寫今歲山崩地陷人死玖分根捉到
印經人李行余等取訖招伏欽遇釋免刑部議
得印造無根經文蓋因切名僧道之徒不修戒
行往往撰造妖言捨施符水為圖錢物惑世誣

民間係非輕理合通行禁治若有似此違犯罪
及寺觀主首其有不居寺觀四方游蕩恣爲邪
說之流亦令所在官司常加警察都省准擬
禁書 至元三年十一月十七日中書省欽奉
聖旨節該椽隨路軍民人匠不以是何投下諸
色人等應有天文圖書太乙雷公式七曜曆推
背圖聖旨到日限壹伯日起本處官司呈納候
限滿日將收拾到前項禁書如法封記申解赴
部呈省若限外收藏禁書并習天文之人或因

事發露及有人首告到官追究得實並行斬罪
欽此

至元十年二月中書省大司農李羅呈奏過
隨朝官員人等每根底多有聖旨分付與的陰
陽禁書都教分付與秘書監者如他每合用着
的呵說了不與那是麼外路有的禁書寬與限
次再行嚴切拘收呵怎生奉聖旨那般者欽此
至元十八年三月中書省御史臺呈江南行
臺咨都昌縣賊首杜萬一等指白蓮會為名作

亂照得江南見有白蓮會等名目五公符推背
圖血盆及應合禁斷天文圖書一切左道亂正
之術擬合禁斷送刑部與秘書監一同議得擬
合照依聖旨禁斷拘收都省准擬

至元二十一年五月中書省爲河間路捉獲
賊徒隱藏苗太監僞造圖識文書奏奉聖旨花
行外又奏這般星曆文書每在先教拘收者道
來不好生拘收來的一般有如今隨路裏行榜
文這般文書教拘收呵怎生奏呵奉聖旨這的

索甚問那般者欽此

至元三十一年十月中書省御史臺呈山南江北道肅政廉訪司中博文錄內有聖朝開基太祖皇帝御諱及以次皇族宗派擬合拘收禁治省准

各位下陰陽人 皇慶元年正月中書省集賢院呈至大四年十一月二十一日岳學士特奉聖旨有的漢兒回回陰陽人每諸王諸子公主駙馬大官人處都休教去者教行文書禁約者

歷道聖旨了也欽此

受納饋獻 中統五年八月欽奉聖旨條畫內
一款諸官員頒降俸祿之後不得循習受納饋
獻

率欽 元貞元年五月中書省御史臺呈山東
道廉訪司申見任官吏或拜識豪華以爲親戚
或接引殷富以爲交支遍嚇鄉耆社長里正人
等鳩斂錢物資給去官因緣侵漁理宜禁止刑
部議得誠如所言即係設謀巧取假手率欽理

宜糾繹以正貪污都省准擬

元貞元年四月御史臺奏外頭行省官宣慰司官人每拜見來呵於他每所管的官吏俸錢齊欵來有他每來這裏做人情那裏路府州縣官吏生受有從今已後拜見上來的官人每管着的官吏俸錢休教科欵行文書呵怎生麼道奏呵眼是有那般者從今已後似這般科欵的要罪過者麼道聖旨了也欵此

差使人宿娼 至元二十一年十二月御史臺

照得不畏公法官吏人等每因差使去處公明
輪差娼妓寢宿今後監察御史按察司嚴行糾
察如有違犯之人取問明白申臺呈省其應付
娼妓官吏與宿娼之人一體坐罪仍送刑部標
籍過名

監臨營利 至大四年三月欽奉詔書內一款
節該官吏侵漁其弊非一今後郡縣在任官員
不得於富民借貸錢物轉行營運違者肅政廉
訪司体察究治欽此

至元十八年五月二十五日必闌赤撒里蠻
等奏過鄂州劉宣慰呈說事內一件行省宣慰
司按察司總管府各州縣官於他處買到物貨
俵散與人民鋪戶添價貨賣又於本管地面民
戶處但有出產諸物倚仗官勢委親戚勒令里
正不依市價先行給散錢數然後收斂若人戶
無本色送納勒訖文契將人口頭足准折多有
逼令逃竄別生事端本處做官的人每百姓根
底休和買做買賣百姓便當一般奏呵教省家

問當的是實呵禁約者麼道聖旨了也欽此
冒支官物 至大四年五月初七日中書省奏
支散聚會襖子的上頭重冒休索者麼道各愛
馬裏省會了來支散的官人每幾枝兒重冒要
的竿住有帖木迭兒水相等俺商量來既奉皇
帝聖旨省會了做無体例的將他每的分揀的
字可溫每要了罪過重冒支了襖子的人每只
於萬億庫前面教號令了將他要了的襖子納
了要了罪過怯薛裏放出去呵怎生麼道奏呵

那般者麼道聖旨了也欽此

蒙古人粥飯 至元十年十月中書省休知得
蒙古人貞因公在外經行去處百姓不肯應副
喫底亦不與安下房舍今後遇有隨朝蒙古人
貞因公在外經過去處依例應副粥飯安下房
舍蒙古人貞却不得因而非理搔擾百姓

銘旌忌避 至大四年正月尚書省刑部呈二
宅陸妙真出殯劉萬一時信筆差悞於銘旌上
書馮千秋百歲字樣陰陽教授於地理新書并

滢原總錄券式內照得雖有該載上項字樣理
合回避以此叅詳陸妙真所犯然非情故終是
不應今後合行禁治都省准呈

恐嚇錢物 至元十四年七月欽奉聖旨條畫
內一款隨處兇徒惡黨不務本業風聞公事妄
搆飾詞論告官吏恐嚇錢物沮壞官府此等之
人並行究治欽此

豪霸遷徙 大德七年十一月中書省福建江
西道奉使宣撫呈諸人言告豪霸之家內有曾

充官吏者亦有曾充軍役雜職者亦有發皮光
頰者皆非良善以強凌弱以衆害寡妄興橫事
羅織平民騙其家私奪占妻女甚則害傷性命
不可勝言交結官府視同一家小民既受其欺
有司亦爲所侮非理害民縱其姦惡亦由有司
貪狠馴致其然莫若嚴加禁治各處行省以下
大小官吏非親戚不得與所部豪霸等戶往來
交通受其饋送如有違犯官吏依取受不枉法
例科斷其豪霸姦食安保人等初犯於本罪上

比常人加貳等紅泥粉壁標示過惡再犯痛行
斷罪移徙接連三犯斷罪移徙遠達如此少輩
侵害小民之弊刑部議得除見任官吏不得於
所部之內受要覲獻已有禁例外據各處豪霸
虎徒非理害民凌犯官府合准奉使宣撫所擬
嚴加禁約敢有違犯之人初犯痛行斷罪於門
首流置粉壁書寫過名若三年改過許令除籍
其有不悛再犯者加等斷罪遷徙迤北地面屯
種都省准擬

通制條格卷第二十九

僧道

給據簪剃 大德八年正月欽奉詔書內一款
軍站民匠諸色戶計近年以來往往爲僧爲道
影蔽門戶苟避差徭若不整治久而靠損貧下
人民今後除色目人外其願出家若本戶丁力
數多差役不闕及有昆仲侍養父母者起元籍
官司陳告勘當是實申覆各路給據方許簪剃
違者斷罪勒令歸俗

選試僧人 至元二年二月欽奉聖旨條畫內
一款僧人每三年一次試五大部經仰總統所
選擇深通經義有名師德於各路置院選試僧
人就設監壇大德登壇受具足戒給付祠部然
後許令爲僧仍將選中僧人造簿申總統所類
攢呈省闕奏

寺觀僧道數目 至元十七年六月二十二日
字羅副樞張平章欽奉聖旨節該道與中書省
官人每者長春宮裏先生每與和尚每爭奪觀

院其間裏聚着伍伯箇來先生每把着棍棒打和尚每去來先生每他每的教法裏不行却把着棍棒胡做呵那裏有這般躰例已前京兆府地面裏王祖師庵頭聚着人衆生歹心來如今這先生又那般胡行有這先生明白招承了上頭爲頭兒的殺了兩箇也別箇的割了耳朵鼻子的割了也打的打了也其餘的教做了軍也這般斬了也今後自淮河迤北隨處和尚先生每壹箇寺觀裏壹伯人已外休教住者別了這

言語的和尚先生要重罪過者聖旨了也欽此
還俗 至元二年二月欽奉聖旨條畫內一款
遇有僧尼還俗者仰元禮師長追取公據袈裟
牒送本處官司與民一躰應當差役無致兩躰
姦盜 大德七年七月中書省御史臺呈江北
淮東道廉訪司申僧道既處淨門理宜潔身奉
教却有犯奸作盜甚傷風化擬合一體斷遣還
俗刑部議得僧尼道士女冠有犯奸盜俱合一
體斷罪還俗都省准擬

詞訟 至大四年十月十四日省臺官同奏昨
前宣政院爲和尚先生也里可溫等開讀了聖
旨的上頭奉聖旨教俺與御史臺集賢院宣政
院崇福司官人每一同商量者 道聖旨有來
御史臺集賢院崇福司來省裏一處商量來御
史臺官人每說在先立着僧司衙門時節告僧
官每取受不公不法勾當多有文書來自罷了
僧司之後教僧人生受的文書行臺廉訪司都
不曾有文書若是僧人不揀甚麼問的勾當則

教宣政院官人每問呵這事行不得只是暗藏
着待再立僧司衙門去也又兼罷僧司衙門聖
旨纔問了如今却又更改內外聽得也不宜的
一般如今闔臺御史也動着文書有集賢院官
說當初宣政院官奏先生教集賢院管不曾與
俺商量如今四海之大先生每犯的勾當多有
俺怎生管得這事怎生行崇福司官說楊暗普
奏也里可溫教崇福司管時分我聽得道來這
勾當是大勾當不曾與省臺一處商量省臺必

回奏如今四海之大也里可溫犯的勾當多有
便有壹伯箇官人也管不得這事斷難行麼道
說有奏呵奉聖旨臺官人每說他每暗藏着待
復立僧司衙門的限說的是有乾淨的好和尚
每在寺裏住着念經與咱每祝壽也若不乾淨
的和尚每要做僧官有在前我栲栳山回來
時到潞州呵平陽的僧錄臘月八日就潞州我
的陸水寺裏殺羊喚歹婦女每喫酒又和尚每
告他則潞州裏要了玖拾餘定鈔來贍八八哈

赤也曾說來好和尚那裏肯做僧官各寺院裏
已有護持來的聖旨則那的他每根底不勾也
那甚麼他每不做罪過依本分行呵誰侵犯他
每別箇的不索多說依前則教有司問者麼道
聖旨了也欽此

皇慶二年正月二十八日中書省奏集賢院
官人每奏了先生每自其間有相爭告的勾當
呵今後遠處有的先生每管民官每根底告者
這裏但有的并外處來的先生每都集賢院裏

告者斷得差了呵別箇衙門裏告者俺根底不
告偏越着別衙門裏告去的先生每俺要罪過
麼道這般奏了教寫聖旨有俺商量未僧道都
一體有俺一就商量了奏呵怎生奏呵索甚那
般說先生每怎生與和尚每一般與俗人一體
有不棟有甚麼勾當呵依在前已了的只管
民官問者集賢院官休侵犯者麼道聖旨了也
欽此

至大四年十月初四日中書省欽奉聖旨哈

的大師每只教他每掌教念經者回回人應有的刑名戶婚錢糧詞訟大小公事哈的每休問者教有司官依體例問者外頭設立來的衙門并委付來的人每革罷了者麼道聖旨了也欽此

皇慶二年六月十七日欽奉聖旨節該今後管民官休管和尙每者依着在先聖旨體例奸盜詐偽致傷人命但犯重罪過的管民官問者除違的之外和尚每自其間不揀甚麼相告的

勾當有呵各寺院裏住持的和尚頭目結絕了
者僧俗相爭田土的勾當有呵管民官與各寺
院裏住持的和尚頭目一同問了斷者合問的
勾當有呵管民衙門裏聚會斷者和尚頭目約
會不到呵管民官依體例斷者他每誰遲悞了
勾當呵監察廉訪司官人每依體例察者和尚
每無衙門麼道管民官休搔擾者納稅糧呵依
着羊兒年體例土宋時分有來的常住田地并
薛禪皇帝與來的田地內休納稅糧者收附江

南已後諸人布施與來的置買來的典來的田
地有呵依在先體例裏納稅糧者鋪馬祇應不
揀甚麼雜泛差發休當者更各寺院裏定體來
的講主長老每休替換者或在先委付來的和
尚身故了呵委付本寺裏好學識的講主長老
者本寺裏無呵別箇寺裏好學識的講主長老
內衆僧美愛的委付者這般宣諭了別了的管
民官和尚每不怕那甚麼欽此

河西僧差稅 延祐元年十二月二十八日中

書省奏河西田地裏有的僧人每當着差發稅糧鋪馬掃里好生的生受有依着其餘和尚每的例不揀甚麼差發休教當着麼道帝師教糊思吉斡節兒奉了奉聖旨與了宣政院官人每別里哥的上頭他每與了俺文書有河西田地裏住的和尚每教與民一體當差者麼道在前幾遍聖旨有來那裏百姓每稀少又兼那和尚每多半有妻子與其餘和尚每不厮似有教依在先聖旨體例裏行呵怎生奏呵是有那般者

有妻室的每教當差發稅糧鋪馬掃里者無妻室的和尚每休教當者麼道聖旨了也欽此

替人索債 至元七年正月尚書省奏准聖旨條畫內一款和尚每根底不干事的人錢債文字他每要了那壁人每根底教生受吊者要有欽奉聖旨那般的根底也拿者

粘闈射利 至元二十五年五月中書省御史臺呈江南行臺咨監察御史體知各處新附寺院僧徒例指興建爲由聚集人衆粘闈射利其

始置備利物數拾件撰造籤籌阡萬枚託散權
豪勢力之家轉行俵賣招誘新附徒衆約日大
聚遠近雲合動以千計僧收籌價使之抽拈標
取利物喧鬧往來填塞街路獲利甚多無所畏
忌守土官司坐視不禁初止城郭寺院如此比
來山林僻靜僧寺亦復倣尤不已事同賭博聚
衆儻致別生事端爲害非細合令有司嚴切禁
治刑部及總制院議得擬合禁約都省准擬
商稅地稅 己丑年十一月欽奉條畫內一款

僧道年五十以上者任便修行五十以下戒行清高者並依例試經受戒許爲僧道其餘詐冒出家之人依例應當科差僧人合居佛寺道士不得居住不得爭奪道士合居宮觀僧人亦不得居住爭奪其餘寺觀文宣王武成王等廟尊像廟貌舍宇並禁折毀已上如有違犯者並斷按答奚罪戾除僧人道士之外其餘詐冒出家之人仰一禁依例應當科差其僧道種田作營運者依例出納地稅商稅其餘雜泛科差並行

免放

中統五年正月中書省奏准節該已前成吉思皇帝時不以是何諸色人等但種田者俱各出納地稅外據僧道也里可溫答失蠻種田出納地稅買賣出納商稅其餘差役蠲免有來在後哈罕皇帝聖旨裏也教這般行來自答由皇帝至今僧道也里可溫達失蠻地稅商稅不曾出納合無依舊徵納事准奏仰中書省照依成吉思皇帝哈罕皇帝聖旨體例僧道也里可溫

遠失蠻儒人種田者依例出納地稅

白田每畝
冬并水田

每畝
伍升

買賣者出納商稅據不該納丁稅蒙古回

回河西漢兒并人匠及不以是何投下諸色人
等官豪勢要之家但種田者依上徵納地稅外
仰行下領中書省左右部兼諸路都轉運司隨
路宣慰司一體施行

至元二十九年十二月十八日中書省奏抗
州省官人每與將文書來如今阿老瓦丁也說
有他每那省管的地面裏土宋時分驗着地畝

納稅來的有氣力的富家每并百姓每等或見
兄弟孩兒每裏頭教一箇做了和尚先生呵做
屬和尚先生每的田地這般不納稅有又占種
着係官田地也不納租子有教這的每依在先
體例裏納租稅呵怎生說將來有俺共管和尙
的官人每咨失鑿等商量來如今那裏的省官
人每與管和尙官人每一處分揀了是實呵依
在先納來的體例裏教納租稅他每別有緣故
呵教說將來者這般商量來奏呵雖是呵恁的

言語不明白教他說將緣故來呵那的每必定說將緣故來成吉思皇帝聖旨裏但種田呵便合納稅不須那般道若是實呵依在先體例裏便教納者聖旨了也欽此

元貞元年七月二十三日中書省奏也里可溫馬昔思乞思皇帝的御名薛禪皇帝裕宗皇帝太后的名字裏江南自己氣力裏蓋寺來係官地內要了合納的租子并買來的田地的稅不納官寺裏做香燭麼道教愛薛那的每奏呵

教俺商量了奏者麼道聖旨有來俺商量來爲和尚先生每也里可溫蒼失盤每的商稅地稅久遠定體行的上頭皇帝根底奏了一條通行聖旨來若免了他的呵比那遍行的聖旨相違者有別箇人每指例去也依體例教納糧者若他的氣力不敷呵別對付着奏也者奏呵是也那般者聖旨了也欽此

大德八年四月初五日中書省奏在前中統五年中書省官人每世祖皇帝根底奏成吉思

皇帝聖旨僧道也里可溫答失蠻種田呵納地
稅做買賣呵納商稅其餘差發免了者麼道聖
旨有來在後哈罕皇帝時分依着那體例行來
自谷由皇帝到今僧道也里可溫答失蠻種田
呵不納地稅做買賣不納商稅依在前體例教
納呵怎生麼道奏呵教納來至元三十年省官
人每奏僧道也里可溫答失蠻依買賣百姓體
例納稅呵怎生奏呵奉聖旨這言語不曾了來
那甚麼擬定那般者聖旨了也當年六月又奏

海峇兒等管課程的說做大買賣的是和尚也
里可溫每却不納稅呵眼換着課程多有執把
着聖旨不肯納稅降御寶聖旨呵怎生奏呵與
者在前已了勾當不是咱每的言語是成吉思
皇帝聖旨有麼道聖旨有來又大德四年省官
人每河南省江浙省陝西省官人每奏將來僧
道也里可溫峇失蠻將着大錢本開張店鋪做
買賣却不納稅他每其間夾帶着別箇做買賣
的人呵難分間多虧兌課程有麼道說將來呵

省官人每商量着僧道也里可溫答失蠻自己
穿的食的所用的買要呵并寺院裏出產的物
貨賣呵不納呵他每也勾也者將着大錢本開
張店鋪做大買賣不納稅呵不宜因而夾帶着
不干碍的人也者似這般的每依例交納稅呵
怎生奏過交納稅行了文書來大德五年宣政
院奏省官人每奏過教僧道也里可溫答失蠻
依例納稅者麼道俺根底與文書來俺與刺馬
商量得也里可溫答失蠻將着珠答納等寶貨

做買賣有寺家的壹兩箇店鋪做些小買賣修
理寺院與上位祝壽僧人的齋糧裏用有僧道
依在前的聖旨休例裏不教納稅也里可溫答
失盡依着省官人每奏來的教納稅呵怎生麼
道奏了來俺商量來國家費用的錢糧浩大近
年以來所入數少不敷支用合依在前成吉思
皇帝聖旨哈罕皇帝聖旨蒙哥皇帝聖旨世祖
皇帝聖旨皇帝聖旨已了的僧道也里可溫答
失盡做買賣呵教納商稅呵怎生奏呵奉聖旨

那般者

皇慶元年四月十七日中書省奏爲僧道也里可溫吞失壘納稅糧的上頭在先省官與宣政院官互相聞奏不一的上頭完澤篤皇帝時分羊兒年裏完澤丞相等省官吞失壘等宣政院官吃刺思八斡即兒帝師根底商量呵除亡宋時分舊有常住并奉世祖皇帝聖旨做常住與來的地土外其餘歸附之後諸人捨施或典買來的一切影占的依舊納稅糧者麼道奏過

定休了來後頭宣政院官曲律皇帝時分休教
納稅者麼道奏了的上頭省官人每依着羊兒
年裏定擬了的體例交納者麼道又奏過教行
了來去年也奏來如今江浙省官人每俺根底
說將來僧人每休教納稅者麼道宣政院官奏
了與了執把聖旨懿旨有怎生呵是麼道說將
來有俺商量來種田納地稅做買賣納商稅的
是成吉思皇帝聖旨有如今依着羊兒年省官
宣政院官帝師根底商量着行來的躰例裏教

行與了的執把聖旨懿旨教拘收了必聞赤官人每根底說了今後與聖旨懿旨呵除亡宋時分有的并奉世祖皇帝聖旨做常住與來的外其餘的依體例教納稅糧明白教寫與呵怎生奏呵那般者依先例教行者麼道聖旨了也欽此

漢僧紅衣 至元七年正月尚書省奏准聖旨條畫內一款漢兒和尚每穿着土鉢和尚紅衣服一迷地行有欽奉聖旨那般着的等者

追毀木印 大德八年七月中書省刑部呈官
府用印本以閑防詐僞取信於民今僧尼道冠
自造三寶木印雖稱經疏使用誠恐恣行別生
事端合令有司盡行追毀相應都省准擬

拘收執把文字 大德七年七月初六日中書
省奏卷失鑿宣政院官人每與俺文字來他每
的經歷怯烈題說近年以來僧人使見識指蓋
寺爲由各處燒香去有麼道諸王公主駙馬每
根底要了令旨經過州城索要鋪馬祇應長行

馬疋草料若不與呵好生訂害百姓有侶這般和尚每禁約了呵百姓每得濟麼道題說呵宣政院官人道他的言語是有麼道俺根底與支書來俺商量來這般執把諸王令旨無體例行的和尚每根底教管民官每禁約者不教行呵怎生商量來奏呵奉聖旨那般者欽此

過錢 大德十年六月二十三日御史臺奏江南行臺官人每文書裏說將來勾當裏行的官吏問人要肚皮干碍着和尚每過付見證呵事

發之後爲是和尚麼道約會他本管的頭目問
呵於事有空碍不能結絕有麼道俺商量未要
錢的人這般使見識教和尚每過付錢物和尚
每自己道子裏不行官吏每的見識裏過錢行
呵和尚每的勾當裏不同有他每的別勾當裏
不干預似這般過錢的和尚每有呵不教約會
和尚每的頭目則教監察廉訪司就便依例取
問呵怎生又在前這勾當也聞奏上位來要錢
的人每見識有如今和尚先生每根底這勾當

卷中附錄二十一
十二
襄休犯者麼道行文書禁約呵怎生奏呵奉聖
旨那般者欽此

俗人做道場 至元二十八年正月初八日欽
奉聖旨節該聰講主舍思刺阿思監兩箇奏有
大同路有的俗人每無做道場的體例有夜頭
聚衆人多做道場打鏡鼓作鬧有恐怕生做賊
說說的勾當遮當呵不肯有麼道奏來如今已
後除和尚每不揀誰夜頭休做道場者俗人每
打的鏡鼓那裏有的宣慰司官人每城子裏達

曾花赤官人每和尚每杯底添氣力奪要了與者這般道了呵做道場的夜頭動鏡鼓作鬧行的鏡鼓藏着不收拾的人每斷案卷裏罪過者聖旨了也欽此

至大元年五月十八日中書省奏江西福建奉使宣撫并御史臺官人每俺根底與將文書來建寧路等處有妻室孩兒每的一枝兒白蓮道人名字的人蓋着寺多聚着男子婦人夜聚明散伴修善事扇惑人衆作鬧行有因着這般

別生事端去也。又他每都是有妻子的人，有他
每的身已不清淨，與上位祝壽呵，怎生中將這
的每合革罷了麼道，與將文書來，有俺商量來
將應有的白蓮堂舍，折毀了他每的塑畫的神
像，本處有的寺院裏，教放着那道人每發付元
籍，教各管官司依舊收係當差。已後若不改的
人，每根底重要罪過，更其餘似這般聚着的都
教管民官禁約不嚴，呵教監察御史廉訪司糾
察呵，怎生麼道。呵奉聖旨，那般若欽此。

通制條格卷第三十

營繕

造作 至元二十八年六月中書省奏准至元
新格

諸營造皆須視其時月計其工程日驗月考
毋使有廢惟夫匠病疾雨雪妨工者除
之其監造官仍須置簿常切拘檢當該
上司時至點校不致虛延日月久占夫
工

諸造作物料須選信實通曉造作人負審核
相應方許申索當該官司體覆者亦如
之有冒破不實計其多少爲罪已入已
者驗數追償

諸造作官物工畢之日其元給物料雖經覆
實而但有所餘者須限拾日呈解還官
限外不納者從隱盜官錢法科

諸局分課定合造物色不許輒自變移有止
位處分改造者即以見造生沽比算元

關物料少則從實關撥多則依數運官
諸局分造作局官每日躬親遍歷巡視工部
每月委官點檢務要造作如法工程不
虧違者隨即究治其在外局分本路正
官依上提點每季各具工程次第申宣
慰司移關工部照會工部通行比較季
一呈省比及年終俱要了畢毋致虧欠
行省管下局分准此

諸營建官舍其所委監造人負皆須躬親指

畫必要每事如法一切完牢若歲月不多未應換壞而有換壞者並將監造人負當該工匠檢舉究治

諸官司器物換壞不堪修理者差官相驗是實方許易換若已給新物其故物拾日以裏即須還官發下合屬隨宜備用不堪作數者赴官呈驗不須開寫名色虛掛文籍銅鐵之器作銅鐵收貯水之器諸造作及破錢物工畢之日其親臨總司即

須拘集當該官吏一一照算完備本司
檢勘無差合除破者依例開申除破合
還官者從實解納還官毋使隔越歲時
致難理算

諸營造合用諸物先儘官有見在其不足之
數有可代支而價不虧官者申稟折支
諸隨路如遇橫造軍器諸物其一切所須必
要明立案驗選差好人置簿掌管工畢
之日隨即照算元收已支見在數目本

路正官體校是實開申合干部分照會
諸隨路每年該值水害凡可疏通閉塞修完
去處當該上司須於農隙之時委官預
爲踏視相其地宜料其工物若役人數
少不動官錢聽差近民隨即修理必支
錢動衆者速申合屬上司比至來年春
作之前併工須要了畢其餘修作應動
民力者亦准此其事須急差不拘此例
至元十四年三月中書省工部呈欽奉聖旨

節該諸局分生活今年爲頭閱了物料的只教
當年納足生活休教拖欠生活歹呵要罪過者
欽此本部議到下項事理擬合通行隨路以誠
違慢都省准擬

一各路局院額造弓甲箭弦哈兒雜帶鏢刀
一切軍器段疋雜造鞍轡生活合用物
料除在都放支外餘者年例各路應付
中間多致違慢造作今擬自至元十四
年二月一日爲例責在各路官司凡支

上項物料自承受符丈月日爲始須管
限柒日交付數足造作若有違限怠慢
去處即將木路總管府官首領官不分
長次一例擬罰俸半月當行司吏的決
壹拾柒下如過期懸遠耽誤造作至日
驗事輕重別議處決事急不拘此限畫
時應副任滿日於解由內開寫臨時定
奪點降

一段正造作生活若局官人負依額應限了

畢造作堪好臨時量其可否定奪違賞
拖欠工程置簿檢附過名其提調提舉
司官局官任四日於解由內開寫臨時
驗事輕重別議點降

一比較違限工程依例合限壹拾箇月造足
如有過限局分扣算拖欠工分數并異樣
改織常例金作者將當該局官勾喚赴
部照依呈准中書省劄付以拾分爲率
拖欠肆分已上決貳拾柒下肆分已下

貳分已上決壹拾柒下貳分已下罰俸
一月欽依聖旨奉意斷決提調官取招
別議外據以次官頭目司吏人等從本
路從調府官約量斷遣

元貞元年正月中書省近欽奉聖旨節該在
先時節諸王常課段疋添捌托家更寬好有來
如今更短窄歹了有拯治者欽比又會驗欽奉
聖旨節該諸司局院造作生活今年爲頭閏了
物料的只教當年納足休教拖欠若有拖欠生

活万呵要罪過者欽此都省議得下項事理

都省元坐陸款

一應造御用諸王異樣常例金綉絨素段疋
合用絲金物料在都委自提調部官主
事外路依已行委達魯花赤總管經歷
首領官不妨本職多方用心催督局官
庫官人等比及新年責限應付閑支了
畢接續下機來年正月已稟收工造作

如違斷罪

一 所關絲料先行選揀打絡須要經緯配搭
均勻如法變染造到段疋亦要幅闊相
應斤重迭就不致顏色淺淡段疋粗標
並要照依已定額數從實催辦非奉上
位處分不得擅自損減料例添插粉糲
如送納時辨驗却不如法定將局官斷
罪罷役提調官吏責罰

一 打造金箔須要照依元關成色額定箔數
從實打造用度無致人匠添插銀銅氣

子顏色淺淡提調官局官常加用心關防亦不致剋落金貨如違追斷

一每月造到段疋及見在物料委自提調官吏先行計點須要段疋堪好別無短少拖欠如法收貯打夾按季作運次依例差官管押依限送納無致損壞如有侵欺物料損敗段疋照依已奉聖旨斷罪罷職役陪納

一局院造作局官每日巡視提調官按月點

檢務要造作如法工程不虧違者隨事
究治外路每季各具工程次第申部工
部通行比較季一呈省年終須要齊足
如造作堪好工程不虧臨時定奪遷賞
如是低歹拖允其提調官吏局官人等
驗事責罰置簿標附過名任廻於解由
內開寫驗事輕重點降其銷用不盡物
料隨所納生活一就還官

一匠官除開撥絲料送納段疋迎接聖旨外

其餘一切事理有司不得差故提調官
匠官人等却不得因而帶造生活侵欺
物料亦不得科擾匠戶如違依條斷罪
罷職

本部議到捌款

一顏造金素段疋紗羅等物合該絲金顏料
本處正官親行闔支置庫收貯明立文
簿如有支訖物色開寫備細名項斤兩
半月壹次結轉收支見在數目須要正

官印押其庫門鎖鑰亦仰正官封收若有橫收錢物另行置簿結附以備照勘若應收支而不收支應標附而不標附致有訛悟造作冬日罰俸半月伍日已上決奈下若有失收濫支者另行追斷一絡絲打線纘經拍金織染工程俱有定例仰各處局院置立工程文簿標附人匠開物日期驗工責限收支並要依限了畢如違限不納及造作不如法者量情

斷罪

一各局院每歲所支色絲仰管局官吏明立案驗照依市價回易收買上等堪好顏料依數變染不致淺淡及局官人等不得將所關色絲減價說名暗地分買仰提調官常切計點如有違犯隨即追理究治施行

一脚亂絲貨欵奉聖旨節該修理機張等什物用度欵此仰各處提調官吏用心關

防局官如遇必合修理機張什物等用
度明置文簿依公銷用年終考較若有
用不盡絲數回納還官却不得因而冒
濫破使如違追斬

一欽奉聖旨節該匠人每的糧納了生活後
頭與糧可匠人每生受上下半年的糧
預先支與呵不假生活更推甚麼欽此
局院倉官斗脚人等如遇放支工糧仰
隨處提調官吏用心關防無致剋落如

有違犯就便追問斷罪

一各處額造段疋正月一日收工年終織造
齊足每月造到工程在都不過次月初
五日外路初十日已集須要申報到部
如是違限取各路首領官吏招伏斷罪
一禁約在局人匠不得妄稱飾詞恐嚇官吏
扇惑人匠推故不肯入局耽悞工程及
一等不畏公法閑雜人等輒入局院阻
擾造作者仰提調官常切禁治如有違

犯之人痛行斷罪其提調官亦不得差
無職役人指稱計點工程非理檢擾取
要飲食錢物許各局徑直申部嚴行究

問

一各處管匠官吏頭目堂長人等每日絕早
入局監臨人匠造作抵暮方散提調官

常切點視如無故報離者隨即究治

織造料例 大德七年十二月中書省近爲各
處行省并腹裏路分解列諸王百官常課金素

段疋雖稱委官辨驗堪中別無間到各該斤重
料例不見有無短少紅線今後應收段疋須要
依例秤盤比料間具實收斤重移咨各省及下
工部依上施行

投下織造 至元二十八年十二月中書省戶
部呈照得中統五年八月欽奉聖旨條畫內一
款據各投下分撥到民戶除五戶絲外不揀甚
麼不教料要欽此議得投下開支五戶絲料並
從本投下用度別無許令俵散民戶織造絹疋

體例擬合照依條畫事理施行都省准呈
堤渠橋道 至元七年九月中書省近欽奉聖
旨節該都水監所管河渠隄岸道路橋梁每歲
修理欽此照得九月間平治道路合監督附近
居民修理十月一日修畢其要路陷壞停水阻
碍行旅不拘時月量差本地分人夫修理仍委
按察司以時檢察

至元二十一年七月欽奉聖旨條畫內一款
津梁道路仰當該官司常切修完不致陷壞停

水阻碍宣使車馬客旅經行如違仰提刑按察
司究治

官舍 大德十一年五月中書省工部呈都城
所申大都裏外諸廳倉庫局院百司公廨會同
館驛并一切係官房舍連年損壞去失埽瓦木
植等物下年又行添補虛費官錢勞役軍匠蓋
是看守軍官頭目人等不爲用心縱令諸人於
緊收放頭瓦踏踐損壞埽瓦木植又有不畏公
法之人通同暗遞偷盜合行禁治本部叅詳如

准所擬令看守軍官人等常川巡禁毋致損壞
當該官員得代之日明白交割儻有不完去處
驗事輕重究治都省准呈

岳祠 至元二十九年三月中書省御史臺呈
近爲東嶽廟宇荒廢不曾修理合從朝省選差
年高有德清潔道士主管祠事仍與本處官司
一同收管每歲香錢公支使用其餘汚濫道衆
悉皆遣退行據集賢院備道教所呈除差廉幹
道官充提點及將不應道士遣退外據香錢一

節案奉聖旨節該令本廟住持提點道官管領
就用增修廟宇

私下帶造 至元二十五年五月中書省照得
民間軍器累奉聖旨禁斷慮恐內外雜造局院
除正額外私有帶造數目都省擬合遍行除年
例類造并省部明文橫造軍器外並不得私下
與諸人帶造一切軍器如違嚴行治罪

判者提調 至元九年六月中書工部照得各
路局院併入總管府管領其各路官吏爲有管

匠人負往往不爲用心提點催辦以致拖欠工程今後各路管下局院額造常課橫造段疋等工程仰判署官吏常切用心提調催辦每月計點合造工程須要赴送額數若有拖欠去處即將提舉司管局大使副使取招申部以次管勾頭目就便取招斷遣

驛路船渡 至元二十年七月中書省議得各處驛路河道若有山水泛溢衝斷橋梁去處仰所在官司預爲計置船隻擺渡過往使臣客旅

毋致停滯伺候水落將所損橋梁依例搭蓋

通制條格卷第三十